



**Totivs Ivris Canonici Compendivm, Siue, Brevis Svmma In  
Qvinque Libros Decretalivm Sacri Concilii Tridentini  
Decretis Accommodata**

In Qva Ivris Canonici Primæ Institutviones, seu Elementa ita traduntur, vt plurima breuiter ac decisiuè explicentur, & Canonum, Glossarum, ac Doctorum receptorum auctoritate communiantur ...

Continens Librum Quartum & Quintum Decretalium

**Axel, Johannes Honorius van  
Coloniae Agrippinae, 1656**

Titulus XVIII. De furtis.

---

[urn:nbn:de:hbz:466:1-61572](https://nbn-resolving.org/urn:nbn:de:hbz:466:1-61572)

2. par. 1. & post eum Bern. Chou. in tit. Conc. Later. de public. concubin. in rubric. de stup. in fine, dicit crimen raptus quando agitur inter laicos esse civile, quodque cognitio spectat ad Iudicem sæcularem, etiam quando puella ob raptum petit sibi constitui dotem, Franc. Marc. quæst. 6. p. 1. ego dicere rem esse mixti & fori, quia reperitur à Canonibus fulminata contra raptores excommunicatio uti dictum est, ac specialis imposita poena etiam sæcularibus, Pan. in c. cum sit generale n. 6. & seq. & in fin. de for. comp. & ibi Can. communiter.

## Titulus XVIII.

## De furtis.

## SYMMARIA

- 1 FVRVM poena iure Canonico.
- 2 FVRANS ex maxima necessitate famis, vel nuditatis nullum incurrit peccatum in foro contentioso aut in foro animæ.
- 3 Si necessitas non est multumurgens, leuem poenam incurrit.
- 4 FVRTI conscius querenti Domino & ad eius instantiam non tenetur indicare furem sed furtum.
- 5 Iudex ex implorato officio vel dum procedit per inquisitionem generalem potest compellere aliquem ad indicandum furem.
- 6 FVR jure civili pro furto non punitur poena mortis quam regulam Cepell. limitat octo modis.
- 7 Et istis casibus quibus imponitur poena furcæ non efficitur crimen publicum.
- 8 FVRTI actio non datur male fidei possessori ne ex improbitate sua consequatur actionem.

**D**E furtis tractatur in instit. Imper. lib. 4. tit. 1. Iure Canonico & furibus & latronibus, si in furando vel depradando occiduntur, oratio & ecclesiastica sepultura denegantur, quia constat eos in mortali peccato decessisse; c. placuit 23. quæst. 5. in fin. c. fures hoc tit. si comprehensi aut vulnerati confessi fuerint, communicatio & sepultura eis non negatur: d. c. fures h. t. c. poenitentes in fi. 50. dist. c. quæsitum est & c. seq. 13. q. 2. Furans & ex maxima necessitate famis vel nuditatis nullum incurrit peccatum in foro contentioso aut in foro animæ, nec aliquam tenetur agere poenitentiam, quia tempore necessitatis omnia sunt communicanda, c. si quis hoc tit l. 2. §. cum in eadem in fin. ff. ad leg. Rhod. de iact. c. discipulos & c. seq. de consecrat. dist. 5. & ibi gl. in verb. fame c. sicut §. 1. & §. seq. 47. dist. nec tenetur illud restituere cum potest, quod talis subtractio permittitur tempore necessitatis, c. sacrorum & c. seq. 12. quæst. 2. si necessitas & non est multumurgens, leuem poenam incurrit; c. exigunt in fine 1. quæst. 7. Pan. in c. si quis n. 5. & 6. hoc tit. secus est in aliis malis, quæ tempore necessitatis non desinunt esse mala, ut adulterari, peierare, idololatrare quæ prætextu paupertatis non sunt committenda, & habet locum regula, potius omnia mala pati, quam peccato consentire, c. sicut 32. quæst. 4. & ibi gloss. in ver. famel. palam §. non est ignoscendum ff. de rit. nupt. c. quoniam & ibi gloss. in ver. paupertatis & Pan. n. 5. de sim. c. itane 32. quæst. 5. Consciis furti & querenti Domino & ad eius instantiam non tenetur indicare furem, sed furtum, alias teneretur reus furti, c. qui cum fure hoc tit. & ibi Pan. n. 5. post Host. Bart. in l. civile C. de furt. Franc. Marc. quæst. 647. n. 3. par. 2 l. qui vas §. qui furem ff. h. t. verum est quod ad instantiam

partis quis tenetur testimonium dicere contra furem, *l. nullum C. de testib. Franc. Marc. quæst. 561. num. 4. par. 2.* sed aliud est perhibere testimonium, aliud est indicare sine testimonio, nam cum quis testificatur, jam fur est detectus per accusationem, sed Judex † ex implorato officio, vel dum procedit per inquisitionem generalem potest aliquem compellere ad indicandum furem, *l. congruit ff. de off. præsid. Bart. in d. l. civile C. de furt. & ibi DD. Anchar. in d. c. qui cum fure n. 3. hoc tit.* quia Iudices tenentur omnibus modis purgare provinciam malis hominibus: *l. 3. ff. de off. præsid.* ex quibus justificatur sententia Episcoporum, qui quotidie subditos suos confcios furci admovent, ut debeant revelare & non revelantes excommunicant. *Pan. in d. c. qui cum fure num. 2. h. t. text. in c. dilectus & ibi Pan. nu. 61. de excess. prælat.* Iure civili † fur pro furto regulariter non punitur pœna mortis, *Authen. sed nove jure C. de serv. fugit. Iul. clar. in §. furtum num. 7. Ias. in l. cum servus num. 5. & 6. ff. de cond. caus. dat. caus. non secut. Ias. in §. ex maleficiis Instit. de act.* quam regulam Cypell. limitat octo modis in d. authen. sed novo jure n. 87. & seqq. & DD. communiter Iul. clar. in §. furtum n. 8. & seq. latè Covar. var. res. fol. li. 2. c. 9. n. 7. & 8. plures citans Franc. Marc. quæst. 6. n. 4. par. 2. & istis casibus quibus imponitur pœna furcæ, 7 non efficitur † crimen publicum, ut quilibet de populo admittatur ad accusandum sed remanet privatum, *Ias. in l. cum servus nu. 84. ff. de cond. caus. dat.* non datur male † fidei possessori actio furti ne ex improbitate lua consequatur actionem, *l. itaq. fullo in princ. vers. sed furti actio & l. qui re §. si quis furi ff. de furt. l. cum par. §. fin. & ibi gloss ff. de reg. jur.*

## Titulus XIX.

## De usuris.

## SVMMARIA.

- 1 **VSVRA** est quicquid sorti mutuale accedit, ipsius rei usus gratia, ex pacto vel intentione præcedente.
- 2 Ex parte accipientis ad usuram non est vis quid detur ratione lucri dummodo pecunia sit æstimabile.
- 3 Ex parte dantis ad usuram non cadit nisi in mutuo viro vel palliato & in rebus in quibus consistit mutuum.
- 4 Contractus in quo loco, alicui, pecunia ut teneat in banco ad pompam non est usurarius.
- 5 Census sine annui redditus emptio non est contractus usurarius.
- 6 Census sive annuus redditus quomodo hodie constituatur ex constitutione Pii V.
- 7 Contractus in quo unus contrahentium dat certam pecuniam numeratam ut alio tempore certe sibi grani, vini, vel olei mensura ab altero reddantur, ex sua forma non censetur usurarius.
- 8 Qui pannos, granum vel alias merces vendit ut amplius quàm tunc valeant in certo tempore recipiat, si ea tempore contractus non erat venditurus, usuram non committit.
- 9 **VSVRA** mentalis est prohibita & obligat ad restitutionem.
- 10 **VSVRA** dicitur quasi raptus usus utroque testamento prohibetur.
- 11 Dominium rerum solutarum pro usuris quæ consistunt in pondere, numero & mensura transfertur in usurarium quando sunt consumpta vel permixta sed competit repetitio.